

皇明疏議輯略

皇明疏議輯畧卷三

君道三

應詔上書

李夢陽

大天下之勢譬之身也欲身之安莫如去其病欲其利莫如祛其害欲令終而全安莫如使漸不可長今天下之爲病者二而不之去也爲害者三而不之祛也爲漸者六而不能使不可長也乃顧汲汲曰是奚不安也奚不利也奚不令終而全安也是何異於不藥而求病愈也哉臣謹以所見而陳之一曰元氣之病夫元氣之病有其幾無其形譬患內耗伏未及發自謂之安此乃病在元氣臣竊觀當

今士氣頗似之孔子曰邦有道危言危行今人不喜人言
見人張拱深拱口訥訥不吐詞則目爲老成又不喜人直
遇事圓巧而委曲則以爲善處是以轉相則倣翕然風靡
不復知有言之密矣且大臣者庶官之表而民之望也
今大臣則先不喜人言又惡人直夫諫官得以風聞言事
者也今大臣被彈劾則率廷辯以求勝語人曰我非要作
官但要屈直明白耳及直矣又恬然作官此何理也往大
臣有親之喪服除非詔不起今大臣服除自起矣如此
尚得謂之有禮義廉耻邪夫無禮義則倭人進之廉耻則
國無防倭人進則互相欺詆國無防則紀綱不張臣竊謂

此等不治必積漸不可救藥故曰四夷未侵百姓未離刑
政未墜疆土未蹙而國危主憂此臣所謂元氣之病也二
曰腹心之病夫腹心之病攻之則難不攻則亡今內官者
腹心之病也夫內官陰性而狼貪其地逼逐又朋比難剪
今倉廩場庫錢穀之要也皆內官主之少者五陸輩多者
二三十輩且夫一虎十羊勢無全羊況十虎而一羊哉今
某某有司擅發其奸幸 陛下洞見其情實外議僉曰是
必不赦不然且竄斥今數月矣猶開而不行夫人情莫不遮
於潛而玩於彰彼未摘發尚有蔽心今其奸已摘發之矣
不置之法又不竄斥彼何所憚而不為乎昔人有言曰宦

官有罪不可赦有缺不可補言難除也今 皇城之內通
名籍幾萬人焉亦多矣 陛下又勅禮部選年十五以下
爭身男子五百名將安用邪夫滅絕人類必戕天地之和
戕天地之和則災害必至災害至則五穀不熟人民離散
天道乖於上人心怨於下而陰性狼貪之國無忌妄行於
中國不危者鮮矣臣故曰內官者腹心之病也今 陛下
誠于此時拔廉直獎忠鯁斥無耻大臣進虛庸之佐則必
轉病而爲安今議者必曰彼曾不指實某忠某直某爲無
耻之言難行然不知上者風也下者草也拔一君子則君
子進卽有小人相率而化於善矣且人不幸而有病擇醫

而治之者為愛身也今某某有司卒植發其好是亦國之
醫也若一切閣而不行是醫能治之而上弗肯使也今
誠欲腹心安莫如劑內官之權欲劑內官之權莫如有罪
不赦有缺不補傳曰治未病不治已病今固已病也而猶
不治是可惑也已所謂三害者一曰兵害夫兵害者冗食
而無補空名而鮮實也夫強本者所以弱枝也今在京之
兵以衛計之七十有餘分為三營一曰神機二曰三千三
曰五軍蓋帶甲控絃者數十萬焉意固欲以強本也然至
正統己巳纔數十年耳拔之乃僅得十二萬焉亦寡矣於
是有十團營至今又纔數十年耳日者遣將北伐拔之不

滿三萬焉然其腰鞭弓刀不全也騎士則牽露骨馬又旋置鞍轡等天兵數不減於前食之者增也一旦而狼狽若此何也官不恤其軍豪彘多占使遠者逃近者潛職守不以報糧籍不開除又壯丁各營其家老弱出而應點宜其食之者增而用之者寡也夫騰驤四衛者今非所謂內兵耶外官既不與稽其數征役又不選用其丁故其人率富豪而氣驕夫內官者陰狡而狼貪者也以富豪氣驕之人而率之以陰狡狼貪之徒茲其害可忍言哉且夫錦衣衛爪牙之司也今內官之家人子弟官之團營兵之精也內官之內兵又其尊榮之陛下乃何獨而不為之寒心

也古人有言曰官惟賢實惟功今國營把總號頭等孰非
內官之私人乎彼其家人子弟仰孰非詭託冒官也乃遂
令布列要地爲牙爪詩不有之曰萌芽不折伐將斧柯燬
火不撲燎原奈何言貴豫也 陛下誠於此時查往年李
王事例仍置總兵官使叅掌內兵又令團營把總號頭等
自今不得置其私人乃於是令諸左右曰其詭托冒官自
首者聽但罷免不問如此則威立而恩亦流所謂銷患於
未形計之上也二曰民害夫民害者臣以爲斂重而民貧
又貪墨在侈恩不下流也臣聞惟智者而後起家夫人未
有無所賴而生者也今百姓賢者百無一二愚蠢者十常

七八然貧苦無賴而有司者不知恤也歛之不問貧富也役之不問勝否也曰是爾職焉矣是故富者剝削貧者稱貸稱貸之不足則必鬻子鬻子之不足則必逋竄一旦棄父母捐親戚背鄉離井愁怨之聲上干天和則必有水旱風雹之災逋者不還居者縲絏而牽連則必有無辜暴露之屍臣故曰民害者歛使之也夫內府供用有常數也宜有常簿焉今油蠟皮張諸料等較弘治初年費且十倍于前此何也蓋下者效上者也取贏者未有不羨者也今既十倍于前則戶工二部科派必又倍矣下之州縣必又倍矣百姓輸納又有秤頭等必又倍矣又經內府必有賄賂

是益又倍矣。於乎民日貧而歛日積，當道不苦言以聞，有司乘機而肥其家，如此而猶望其治，是真却步以求前耳。陛下前固嘗降詔，肯存問矣，然薄數不減，派科不肯稱頭，如故賄賂公行，無憚此所謂虛名而實禍也。臣故曰貪墨在位，恩不下流者此也。三日正場，畿民之害臣伏覩洪武某年詔曰：直隸拋荒田地，聽民開墾，永不起科。夫民既自開墾之矣，不可謂非其田矣。今皇親之家聽無賴光棍投獻，主使謂非其田也，請之朝廷，朝廷亦謂非其田也，率給賜。皇親家皇親家既奉天子命，爲已有，乃輒遂白奪其田土，夷其墳墓，毀其房屋，斬伐其樹木，於是百

年土著之民蕩產失業拋其父母妻子千里之內舉家騷然不寧矣夫 皇親與國同休戚者也而祿非不豐貴非不極也乃祇以區區之田擅害赤子動搖基本如此是不欲與國同休耶嗚呼亦甚矣昔者魯碗焚孔子見之但曰傷人乎蓋貴人賤馬也今蘇州牧馬草塲與百姓爭阡而競畝者八分而寸割之臣竊悲也是非賤人而貴馬也夫草塲數千頃地耳今三遺官失百姓連年坐勾攝轉相牽聯妨廢本業耽閑其生理男不秉耜女不上機賣男鬻女弱者轉而死況塗者過半矣嗚呼是何賤人而貴馬也臣雖未詳其始末竊計今事勢萬無百姓侵官之理設有之

所辦亦官租耳非若 皇親之家占之爲已有也今據勘
牒四至與民之爭止十之一二耳臣謂宜置而不問夫王
畿天下之本也今以數十百頃之地失黔首之心傷陰陽
之和臣固知 陛下不忍矣 陛下幸哀憐聽臣愚計
勅戶部查景泰六年勘官馮謹奏內事理以前項田土給
民徵租但以空閑草地牧馬六漸者一曰匱乏之漸夫匱乏之
漸者何也臣以爲兵連然耳然又苦浪費今各邊用兵以
將則庸以卒則罷靡財而無功曠日而損威而錢穀吏悅
首供給莫敢如何稍有不繼則軍吏譖以自解是故倉廩
不足不曰兵者糜之也是錢穀者誤之也錢穀者不曰已

誤之也曰是無米而求粥也於是始有和買之議矣和買而不足於是有兌運之例兌運而又不足於是乞內帑之銀臣始至戶部太倉庫銀尚百七十餘萬今銷耗且過半矣然而乞者未已也由是積漸而不止雖欲不匱烏可得耶夫竭天下之力以供邊而日猶不足其故何也糜財而無功曠日而損威者爲之也夫錢者泉也言流也散於上而聚於下公家削則私室盈今京城內外千觀萬寺亦熾矣顧又不止彼左右侍臣孰非造作者也造作動孰非以鉅萬計諺曰十入一出今彼鉅萬出則其入不止於鉅萬明矣夫上惟風下民惟草今方春氣和耒耜在野陛下

乃不發倉廩助不給賑不足顧徧察寺觀等勅給費修葺之是道民以奉佛也彼以鉅萬入者又何憚而不造寺夫智者察微今貨入而盈私室矣又出而造寺觀矣設卒有水旱之警兵甲事興內取則已匱外歛則民窮臣不知

陛下計所出矣故曰又浪費者此也二曰盜之漸何也臣以爲其機在民窮夫盜者非不知法當死也彼以爲往固無食矣今盜而得食卽死不猶愈于餒乎往固無衣矣今盜而得衣卽死不猶愈于凍乎往有租調官司之轄矣今盜而得自由不猶愈于追繫鞭笞之乎夫天下無智愚強弱舉悅首捧心以事我者以有法維之且畏死也今旣死

而愈于凍餒追繫鞭笞之則彼亦何所不至耶計今事勢非但憂盜將必有大患大患者何所謂有亂之機無亂之形也夫今天下無不臣之邦四夷無不庭之國百官奉職筐篚歲至太倉有紅腐之粟武庫之兵朽而不用又無方二三百里水旱之災也然而哨聚殺人劫縣燒村剽掠婦女者日相聞也假如不幸而有方二三百里水旱之災武庫乏兵太倉竭粟百官不奉職夷狄外侵海內有警則勢事又何如矣故曰有亂之機無亂之形嗚呼此亦可以寒心矣臣謂宜趁此急選良有司恤飢賑寒以安民心又密令整飭城池軍馬以伺緩急之變夫安不亡危霸者之略

有備無患聖王之政况今承平日久民不知兵萬一有慮
外之警有如平原睢陽之倫乎臣故曰計今事勢非但憂
盜將有大患者此也三曰壞名器之漸夫壞名器之漸者
臣以爲黜陟失制也夫明王懸爵賞以待天下之賢將以
奉天而理民也故曰五服有章自天命之示非我也又曰
爵人于朝與衆共之明至公也是以古之英君寧捐百萬
之費而靳一卽之拜其意亦謂此耳而今乞官者官乞祿
者祿黜其父者陟其子黜其祖者陟其孫臣不知陛下
計所出矣夫祿者所以報功又示勸也今黜者旣陟其子
孫則有功者何勸焉是以高其爵不足以勵廢乎賞不足

以風俗緣鑽刺之風既行而廉耻名節之士遂寡且陛下
下何利於斯而為之也夫薰蕕同器不知有薰蕕汚並實
孰宜為廉陛下若謂天下之大何怪此一官則所謂弊
枵之藏繁縷之惜者皆非邪惟名與器不可以假人臣故
曰壞名器之漸者黜陟失制也四曰弛法令之漸夫弛法
令之漸者臣以為外與玩為之也夫外莫大于縱罪玩莫
大于長奸昔者舜為天子瞽叟殺人士師執之孟子以為
為舜者但宜竊貨而逃蓋法者公之天下受之祖宗者也
掌於士師士師不得而專也出於天子天子不得而專也
是故士師可以執天子之父為舜者不可私其親瞽叟者犯

人王禮擅搶夷僧貨物損辱國體傳笑外邦獄案已具法
所不赦也陛下何從而赦之耶以爲無罪則固已追償
其貨直矣以爲有罪未聞有罪而赦之者也有罪而赦之
是縱罪也縱罪則奸長奸長則政舛政舛則民玩民玩則
今慢今慢則法弛此古之所大忌而今之所甚忽也大忌
莫大於刑忽又莫大於私何則刑天討也公天道也王者
不私其天故罰一人而千萬人懼諺曰勿謂尺五後且不
補臣固以王禮之赦爲弛法令之漸五曰方術眩惑之漸
夫方術眩惑之漸者臣以爲去之不力則誘之必入也夫
自古帝王享國長久者畏天而憂民也非以奉佛也康強

少疾者清心而寡欲也非以事仙也且陛下獨不見梁武唐憲乎梁武奉佛最謹然罹禍最慘唐憲事仙又最謹然年又最短此其明效大驗彰彰可考者而今創寺觀請額者陛下弗止也比又詔葺其圯廢臣不知陛下乃何所取於彼而爲之也夫真人者太虛無爲之名也今酒肉粗俗道士陛下敬重之如神等爲真人又法王佛子等竝肩輿出入珍食衣錦陛下踐祚詔曰僧道不得作醮事扇惑人心堂堂天言四海誦焉夫陛下神心睿姿不減於前也乃今復爾者臣故知有誘之者也夫誘者必曰其道妙其法靈今天變屢見于上百姓嗷嗷於下邊報

未捷倉庫匱乏信如直。國師道足以庇法足以祐。陛下何不遂一試之使天鑑。愈而教教者安乎此固必無之事而陛下不察及聽其誘此臣之所日夜悲心者也六曰貴戚驕恣之漸者臣以爲其防決也夫水防惟土國防惟禮水決則墮禮決則陵者。高皇帝制親今日。皇親之家不得與政臣嘗伏讀嘆息以爲聖王不易之論及退而考夫頒祿列爵則又使大貴而極富已又考其器度田奴之等則又不使之踰也臣於是又嘆曰是所謂禮之防也夫。皇親與國至戚也不宜有間今顧制禮以防之者臣以爲此固保全而使之安也今。陛下至親莫如壽寧

侯所宜保全而使之安者亦莫如壽寧侯乃顯不嚴禮以爲之防臣恐其潰且有日矣夫下僭則上陵今壽寧侯招納無賴罔利而賊民白奪人田土擅拆人房屋強奪人女子開張店房要截商貨而又占種鹽課橫行江河張打黃旗勢如真虎此謂之不僭不可夫僭則陵陵則逼大逼則法行且今側目而視切齒而談孰非飲恨于壽寧者也夫川潰則傷必衆萬一法行陛下雖欲保全而使之安得乎臣竊以爲宜及今慎其禮防則所以厚張氏者至矣亦杜漸剪萌之道也

陳言治道疏

章懋

臣聞天道以元生萬物而聖人體元以治萬民故即位必
稱元年而建元必殊徽號 憲祖以成化紀元 先帝以
弘治紀元乃寔其為治之大本以寓繼述之意今 皇上
以正德紀元能正其德則何患乎化之不成而治之不弘
也哉臣敢摭一得之愚以爲新政消埃之功其一曰勸聖
學臣聞明君以好學爲急聖學以正心爲要若堯舜禹湯
文武之聖而商宗周成王之賢莫不孜孜於學文設師傅
保之官有誦訓箴諫之臣朝夕左右責難陳善以潛格非
心下如漢唐宋之英君誼碑亦莫不然洪惟我 太祖高
皇帝於退朝之暇延接儒臣講論經典又書大學衍義於

內殿兩廡及書洪範揭於座右以備觀覽蓋雖生知之聖必從事於學也 列聖相承率由是道今 陛下出震繼離始登大位卽以正德紀元而又開經筵親儒臣以講讀經史闡明聖道固有志於學矣但經筵之開講有日而臣之進見有時所以輔成聖德者或未備也臣願經筵之外時召師保侍從文臣講論經術咨詢治道不必限其日時接以誠意假以溫顏使人人得盡其言以輸其忠積習既久化與心成則施之任人立政而事皆可法其於盛德豈小補哉二曰隆繼述臣聞武王周公垂繼人之志善述之而夫子贊其達孝盡莊子不改父之臣與父之政而孔

子稱爲難能則爲嗣世之君者不可不從事於繼述也昔
我 太和開創之功比跡湯武 先帝守成致治之英協
德成康其盛德大業所當繼述者 先帝在位之日尊養
兩宮備殫孝敬親任大臣延問治道寬假言官樂聞讜論
罷工役而止貢獻放鷹犬而出宮人不施聲色不事遊田
皆其事之已行所當遵守而不變又嘗念戶口之消耗而
議撫恤之宜以鹽法之廢弛而求採弊之方清查禁軍以
革濫冒沙汰冗官以節財用皆其志之欲爲所宜繼成以
終其志其纂脩會典則欲舉舊章而見諸施行脩通鑑則
欲考成敗以爲法戒尤所當究心而從事於其間也不獨

是焉又掌取 聖祖之皇明實訓洪武聖政諸書遵諸座
右日與大臣講議舉其彛典而施諸今日則為能繼述
之道矣三曰謹大婚臣聞禮以大婚為重自古聖王於婚
姻之始皆傳訪令族簡求淑德然後昭告宗廟成以婚禮
而未婚之前又必教于公宮有師傅保姆教以婦德婦言
婦容婦功教成而娶所以成婦順也昔宋哲宗以幼冲嗣
位將行納聘其臣范祖禹上奏宣仁太后論納后所宜先
知者四事一曰族姓二曰女德三曰隆禮四曰博議呂希
純則言當采德閭不宜參用陰陽數術以男女年命而衡
婚而彭汝礪又言當舉而垂教之端王化之始萬福之原

選之不可不精數之不可不預而禮有不可不正也伏望
陛下上思 天也宗廟之重爲萬世子孫之計必命內
閣及該部大臣考覈禮制當此諒陰之時好義相立
之時候事無纖纖不嘉會而欲與時安故事將用者皆
本 皇上后宮中使之親法意備臣傳諱姆之賢備
禮以容之特舉所應之而陝西史之戚臣竊食坐視視
聽一皆約之以禮而執事無執之既成又以四事察之
必有闕明勸懲有違者一曰小者行足以明儀萬國表正
六宮然行教臣等竊謂六宮以定后妃之位以正天下
之本此又上 皇之德也况外有日矣四門重詔令臣聞

人君所以感動天下者在乎詔令堅如金石信如四時則
敷天下莫不從聽 陛下登極之初渙頒明詔布告天
下有謂國家財賦有限而議賦成文武元食之費又裁取
各門方金庫與各處茶稅之內中又謂鹽課爲國用所急
不許勢要之家討占亦謂鹽課要之度畝地以便貧民
利而治以重課之計而天下要占奪民地土以止退還
凡此數條天下聞之莫不歌頌 聖德逮今已甚月矣而
詔書所載科徭生計率制而不行何以取信天下乎臣願
陛下主之以剛果守之以堅凝勿以恩寬而寬假勿以變
嫌而姑息從群臣之言而治不奉詔之期則法行自近澤

被生民矣五曰敬天戒臣聞天生聖哲非常之君必遭非常之變以警勸其心若堯湯之水旱成王之風雷與宣王雲漢之雷莫非天心仁愛之所在故堯舜以儆于爲念成湯以六事自責成王悔過出郊宣王側身修行皆能變災爲祥我太祖皇帝開基之初屢遭亢旱故嘗戒膳素食官中皆然而免民之田租素服徒步詣山川壇設薦幣畫膝十日夜卧于地三日而大雨霽足又嘗躬親百神而曰苟有罪責宜加朕躬毋爲民災其罪已脩德如是故能開創大業聿致隆平今皇上卽位以來星文示變雷雨爲災天鳴于四土地震于南京而陝西又有災傷之患豈非

天心仁愛乎伏望 陛下遠師帝王近法 聖祖先以側
身修行之誠解謝上蒼又以罪已求言之意敷告下土凡
用入行政之有違於天意者悉從糾正庶幾精神滑通和
氣感於民心悅而人意得矣

急大本圖治安疏

楊一清

近因賊臣劉瑾竊弄威柄繫 祖宗上天之靈假手近臣
發其罪狀誅滅黨與刻滌兇穢復累朝之舊章弭群黎之
疾苦天下莫不歡欣鼓舞以望太平奈何積暴所加民疾
未瘳餘烈所翳妖孽祥也盜賊盜起將及二年兵革不解
民困益甚 陛下又當采納廷議命將出師招降撫順以

安得從蠲賦寬租以蘇凋瘵督責之令相尋賕貸之使迭
出廟堂之上算無遺策然議論多而成功少卽今師老財
耗公私俱竭中原數千里之地僵屍漬血殺人如麻伐賊
我將吏攻陷我城邑事勢至此極矣况上天示譴不一
四方告變無時臣等觸目生嗟經心抱痛竊惟朝廷四方
之極君身天下之本意者今日之所建白小舉而大遺徒
事其末而弗究其本天未悔禍人未厭亂職此之由謹撫
關係大本最切要者爲 陛下陳之夫朝以出政政以成
事每旦視朝帝王聽政之恒規也 陛下每月朔望之外
視朝不過一二豈非欲弘委任責成之道以成端拱無爲

之化乎然臣之於君猶子之於父母也子之於父母一日
不見則思數日不見則憂群臣百司顧時一覩聖顏一
聞天語久而不得則進退惶惑伏俛無依且遠近之民
遂疑陛下不復念其窮苦四方盜賊亦謂陛下未嘗
有意剪除不可聞於外夷不可訓於後世伏願昧爽視朝
令諸司照舊奏事收權綱決壅蔽示百官之承式回萬方
之祝聽古者天子退朝深宮燕息以養太和出警入蹕
防範備至竊聞龍興常幸豹房駐宿累日又聞日於後苑
訓練兵戎鼓砲之聲震撼城域是雖安不忘危顧亦將帥
之事非宮禁所宜無以安宗廟神靈況今前星未耀震

位猶虛而乃瘼力於擊射耗神於馳逐且千金之子坐不
垂堂壯歲之嗣則其心爲之惕陛下奈何以宗廟社稷
之身而自輕若是伏願高拱穆清深居禁密戒嬉遊無度
之勞以保心體之和遠混雜不輕之所以消意外之慮宗
祧至計莫急於此至於經筵日講講期甫臨輒聞罷講
曰學于古訓乃有獲且一心之微攻之者衆不在此則在
彼不游心於諸書理義則放情於宴安逸樂固其所也伏
望經筵非盛暑隆寒不可輒罷仍舉行日講故事天下至
樂無以逾此而百姓好尚皆不能奪之矣前此三者天下
之大本在焉伏乞俯垂聽納見之施行由是脩聖政以亨

天子之德廣聖嗣以定天下之志弘聖學以成天下之教
大本既立庶政未節各有司存自當隨事納忠以圖
上以承祖宗之德天下以垂子孫之大統所以慰
憂疑遠以齊世為之觀向者宗社萬世之福也

聖治初年

劉玉

臣聞敕然有司相拱于上而天下不能暗唯若
之節聖之事其時必從密而直之其子必呼號而
立之何者其勢誠迫而壯情誠切故也然則朝廷大事果
有關於治忽安危為臣子者所當畢命效忠和顏陳諫豈
可自諉泛遠甘為密默哉臣待罪近畿竊聞陛下近頗

聽信太監劉瑾等多事逸遊又聞內閣大學士劉健謝遷
俱以諫不得行致仕而去臣聞之雖不能諱伏竊驚懼二
臣者先帝所簡以輔聖躬臨終顧託之言陛下必聞之
矣劉瑾等佞倖小臣凡其巧術奸弄不過投陛下之一
笑而已而不知耗神氣惑聰明妨政理爲損多矣顧命大
臣以輔導爲職顧欲辭而去之此其害甚矣陛下弗察
顧不忍於彼而必於此猶使劉瑾樂業輔導臣等先帝
顧命之言遂墮等恣肆之計此誠大罪人欲存亡之幾國
體治亂安危之繫臣切言職此而不言無復可言者矣昔
者孔子爲魯司寇相定公會齊侯于夾谷使儒戲而前孔

子進曰匹夫笑惑諸侯者罪當誅命有司行法焉漢鄧通
戲殿上丞相申屠嘉召而罪之曰小臣大不敬當斬今吏
行斬之古人致嚴於戲弄之臣如此也孟子曰逢君之惡
其罪大若堦等之導逸遊所謂逢君也又曰畜君者好君
也若劉健謝遷之止佞倖所謂畜君也畜君者用則聖
德日茂逢君者進則國事日熙不可不謹抑臣左有深憂
于此陛下春秋方富總理萬幾輔導大臣既皆引去內
侍老成者又多退閒則論議安所顧問燕閒誰與居乎必
將逸遊命數佞倖愈親忠益之事不聞諛諂之言日進如
是而政柄不移政體不紊未之有也況今災變頻仍甚者

白虹貫日雷振殿庭彗見於紫微之宮星搖於天王之位
證諸人事默繫匪輕而天下民窮財盡所在空虛武備不
修胡寇日肆夫以陛下卽位之初天下之疲弊如此而
災變之見又如此誠宜恐懼修省克已從人若乃厭老成
而喜軟弱耽逸遊而忽政理是猶馬既逸而棄其轡車將
傾而舍其御求以不殆豈可得哉且天下大器常以衆君
子持之而不足一小人壞之而有餘今二臣旣去則君子
之勢益衰群佞不除則小人之黨益肆此臣之所大懼恨
不叩首丹陛以回陛下之聽也伏望陛下體天人歸
與之重念祖宗創造之勤謹治忽安危之幾察忠佞是

非之實將璫等祭送法司明正典刑勉留大學士劉健謝
遷責以輔導司禮近侍悉任老成之人禁止逸遊完養神
氣清心講學以興治理如此則先帝以熾災變自消海
宇乂安皇圖永固陛下壽同乎軒轅義齊乎堯舜誠宗
社萬萬年無疆之休豈徒一事之美一時之幸而已哉

六事疏略

劉五

一端治本臣聞身者治天下之本也大學八目之詳揭之
爲要中庸九經之大叙之惟先聖賢之所相傳不外是理
陛下出震御天新服大政上焉帝王之統緒祖宗之靈
繫下焉聖子神孫百世之繼承四海九州兆民之仰賴

萬幾三重萃於一身苟隱微之際一有忽焉理治之幾分
矣可不謹哉伏望陛下以聖賢為師親近儒臣講求其
說心之所存若對上帝已私必克天理必充燕閑則觀經
書以知義理觀史傳以知法戒勿使逸遊得以妨功勿使
技玩得以奪志勿使邪佞得以惑聰勿使奢慾得以耗
神氣遇事則挾諸理法而應之勿以喜而徇物勿以怒而
加人一日二日兢兢弗怠如此則聖德以成治本端而
乾綱舉矣一清化原臣聞宮闈之德風化之原也故有太
任而後有文王之聖有邑姜而後有武王之賢周南始於
關雎而終於麟趾良有以也陛下方議婚之年而遭大

戚孝心純至必不忍於舉行然宗嗣所關遺詔詳切選擇之道亦不可不先議也竊見前代冊立后妃或取諸權寵之宗或取諸寒微之姓殊不知權寵所基驕奢易作寒微所起鄙吝或存如漢之呂霍梁竇唐之張良娣宋之劉美人有可鑒已乞勅禮部遵奉遺詔於內外清白良善之家旁求有德若干勳戚近屬及商賈庸流不許預選女德難知則察其父母兄弟家教難悉則質諸邑里親隣必其德淑足稱母儀然後儲奉近宮早親傳姆啓之以義理訓之以禮節候 陛下終制入正中宮其於聖德必非尋常之助也抑 陛下春秋方富而 太皇太后年齡已高臣尤

聖皇太后體先帝奉親之心推古人從子之義內修
閭教外資治理申戒外戚務遠利權如此則將來有所則
效化原清而坤道順矣一親大臣國家建官之制倣於成
周外而六卿分職以率其屬內而三公論道以經乎邦
列聖相承用臻至治由乎統紀密而責任專也茲遇 陛
下繼統之初尤宜委信咨詢以資治理然乃闕然弗獲逸
然弗通指揮已布而弗知諫諍雖入而弗用如此則 陛
下安所倚畀而大臣亦安所効其忠乎臣又覩近日以來
勅令之行或尾於後詔旨之出或改於初如外戚之餘鹽
煎等而復與邊方之內職常革而復留內帑之銅錢將查

而復改非旧之取索已禁而復開是豈陛下之自異其
言乎蓋必有自矣夫明良相遇至治之所由成聽任或偏
私謀之所由遂也伏望陛下念宗社之重公委任之心
內閣諸臣先帝所倚托者也宜日加詢訪以盡論思一
切詔令指揮悉關議擬府部院長亦宜不時召問有所建
白省覽施行庶幾私弊以革政理以通而陰蔽者開矣一
勵庶官官之有職猶男之有耕女之有織也一男不耕則
家以之飢一女不織則家以之寒庶官不職天下何由而
治乎竊見今之居官類多雷同苟且臨政之剛大之任居
屬寡忠益之資承流者愧於苟宜況民者病於撫字至於

不遇剗刻在承而已求其牆之畫者百不一二焉姑
以一事一端言之昔募軍矣嘗買馬矣嘗借邊儲矣而軍
馬之儲卒至於不充其則胡虜內侵幾逼畿甸猶曰僥倖
得去而莫展一籌其他可知已臣待罪言官天下目弊而
不能言言之而不能行不職甚矣夫豈敢妄言以惑人直
內省知咎問其策所以盡厥職爾昔人有言牛居無直言
耿諫之士則臨難無仗節死義之臣方今承平效職爲易
而且不然萬一臨難孰能蹇蹇匪躬以濟國家之事哉乞
勅吏部嚴考察之方明黜陟之典使體同荀且之俗興蹇
諫之風仍行在內各衙門及在外撫按等官各察所

爲而激揚之使無職感知所勸則庶政無不理矣一擇內
侍昔者明王左右前後莫非正人故君德隆而政教美後
世外臣疎於接見羣臣聞者不過內臣而已親密則惜
易狎漸漬則習易移陛下英年初政可不慎於斯乎乞
於近侍之臣嚴加遴選勿以趨奉爲賢而棄老成勿以阿
意爲忠而疎正自此誠養德求治之要不可以爲近而忽
焉者也臣又觀國家內設各監外設鎮守等官其任至重
但員數既廣資性不齊羣公若固有之而玩法者亦不少
矣且陛下之法受之祖考貽之子孫所以御萬國而
制四夷豈謂卽位之始先自玩於近侍之臣乎伏乞陛下

下嚴加戒飭奉公者進之玩法者退之使內臣先知所警
則達之天下無思不服矣一條外夷我國家攘夷狄之
功有光於中夏有光於萬古帝王疆場晏然百三十年于
茲矣近者將臣不戒殘虐陸梁朝廷用食然之命將遣師
僅得遁去然皆崇社之靈朝廷之福而非將士之功也夫
倖不可屢僥安不可久恃明者防未然況已然乎蓋虜自
土木得志繼而瓦剌讎殺失其故巢數十年來遂以近邊
為家燬則東牧接於朵顏寒則西歸駐於河套故常夏侵
宣府秋犯大同冬寇陝西之境如飢賊寓我離藩其覬覦
之心庸肯一日已乎近者大同宣府之敗尤可寒心將死

軍逃人畜殫盡萬一近關不固則京師之有背危矣此其
攘之之計當如柢漏沃焚竊恐議者以虜夫爲安而不虞
其至兵法曰不恃其不來恃吾有以待之不恃其不攻恃
吾之不可攻也乞勅兵部轉行各邊巡撫院踴急圖戰守
勵士馬修牆濠張斥堠遣間諜添募土兵以資全力預審
地利以俟後功旁虜可誘則誘之以疑其心被驅之人可
招則招之以披其勢別有奇策以次舉行至若總制之設
宜及無事之先巡撫苟以國事爲心亦何嫌於共濟副都
御史雍泰原任邊陲人皆稱服儻加委任假之以權必能
倡率各邊以攘虜患攘之之道非必如馬邑之設謀衛青

之度漢要在謹其入驅制之以術銳則清野以老之怠則
奮師而致擊但使懲創勿爲窮追如李牧之守雲中斯安
邊之長策也然京師天下之本武備志所當先承平之餘
徒爲文具軍士困於科役而逃亡者多將領出於營求而
忠勇者鮮近該廷臣建議博舉將才清查軍伍其法善矣
而實效未盡觀也竊以軍額非不多食糧者悉歸行伍而
精練之則軍可用將固難其人若破格拔之以才試
之以事而虛陞之則將可得人軍足而將得人虜之圍營
分領敵國諸將則率之截殺以靖寇亂事已後歸京師以
鎮守其安內懷外之長策也然賞罰天下之大柄賞

弱不明雖有強將百萬之衆不可得而用之昔我祖宗
驅橫海韓木兒以靖中原擒冒的人刺以靖沙漠夫豈有
他道哉亦曰賞罰明將士用命而已今也名實混淆賞可
以幸而得罰可以幸而免尚何怪乎將士鮮體胡虜之益
肆乎兵法之料敵必曰賞罰孰明此案危之幾不可不察
也伏望 陛下大奮乾剛如齊威之烹阿封即墨內治既
舉則外患自戢矣

六事疏略

黃華 陸震

陛下臨御以來 祖宗之紀綱法度一壞于逆瑾再壞于
倭倖又再壞于邊帥之手至是將蕩然無餘矣天下知有

推臣而不知有陛下寧忤陛下而不敢忤權臣陛下弗知也亂本以生禍變將起竊惟恐陛下知之晚矣試舉圖治六事於今為最急者為陛下陳之其一曰崇正學聖明先儒周敦頤有曰聖人以中正仁義而主靜立人極焉又曰吉凶悔吝生乎動吉一而已動可不慎乎故惟聖人為能主靜惟君子為能慎動仰惟陛下聰明天縱有古帝王之資然其所以盤遊無度流連忘返者無乃動之過乎伏望陛下高拱九重凝神定慮屏紛華斥異端遠佞人招延故老咨訪忠良可以涵養氣質薰陶德性而聖學惟新中政日舉矣其二曰通言路言路者國家之

命脉也。言路之通塞則治亂存亡見。近時臣僚奏牘間
或言及時政往往陛下以聞其或事關權臣則又留中不
出而傷以他事夫古之明主導人以言用其言而顯其身
後世則不然不用其言而反罪焉今則又不然不使其以
言獲罪而以他事獲罪由是雖有安人長策謀國至計無
因以達于九重雖有必亂之事不軌之臣無由而知之矣
天下安得而不亂哉伏望陛下以從善為心以開道為
明廣開言路以作士氣不責以出位不加以好名如此則
忠言日進雖亂臣賊子亦將有所畏而不敢肆矣其三曰
正名號孔子有曰名不正則言不順言不順則事不成禮

樂不興刑罰不中民無所措手足凡以名不正之故也

陛下近日以來無故自稱爲威武大將軍太師鎮國公遠

近傳聞莫不驚疑竊歎以爲恠事陛下何自輕如此夫

陛下自稱爲公誰則爲陛下者使天下以公事陛下

是天下皆公之臣而非陛下之臣也伏望即日削去鎮

國公等名號以昭上下之分以明示天下之人不然古之

天子亦有號爲獨夫與欲爲匹夫而不可得者切爲陛下

下懼焉其四曰戒遊幸六禹曰罔遊于佚罔淫于樂周公

告成王毋淫于觀于佚于遊于田春秋譏觀魚網目書巡

者二十九皆譏也陛下始遊戲不出大庭馳遂止于南

內論者猶謂不可既而幸宣府幸大同幸太原幸陝西榆林諸處所至費財動衆郡縣騷然近者復有南行巡狩之命南方之民爭先挈妻子以避去者流離奔竄敢怨而不敢言即今江淮饑饉父子兄弟相食天時人事如此加以休息愛養尤恐不文況又重以威之其何不流而爲盜賊速而爲死亡也哉奸雄窺伺待時而發變生在內則欲歸無路變生在外則望救無及陛下斯時悔之晚矣彼居位大臣用事中官親暱群小皆欲陛下速出而後得以擅權自恣乘機爲利也其不然則亦袖手旁觀如秦人視越人休戚之不相涉也夫豈有一毫愛陛下之心哉臣

伏望 陛下深惟往事之非翻然悔悟下來痛罪已之詔
與民更新罷南巡撤宣府行宮示不復出發內帑以賑江
淮之饑散邊軍以歸卒伍斥不御之女以各還其家如是
則尚可爲也其五曰去小人易曰開國承家小人勿用自
古小人用事未有不亡其國而喪其身者也今之小人播
弄威權貪圖富貴者寔繁其徒有至首開邊事以兵爲戲
則江彬之爲也彬本行伍庸流兇狠傲誕無人臣禮臣等
但見其有可誅之罪而不見其有可賞之功今乃賜以國
姓封以伯爵托以腹心付以提督京營之寄此養亂之道
也彬外挾邊卒內擁兵權騎虎之勢不亂不止天下之人

切齒唾罵皆欲食彬之肉 陛下亦何惜一彬以謝天下
哉伏望大奮乾剛將彬下諸廷議明正典刑以爲奸邪小
人迷亂之戒其六曰建儲貳漢人有言曰太子天下本本
一搖則天下震動夫有本而搖天下猶震兒于無本其何
以安 陛下徒知收置義子布滿左右獨不能豫建親賢
以成大業臣以爲 陛下殆倒置也伏望及是時將近時
群臣建儲章䟽通行檢出宣付皇親勳舊及在廷文武大
臣共圖大議卽於宗室中遴選親賢一人養于宮中以繫
四海之望待他日誕生皇子之後俾其出就外藩如此則
繼體有人國本以固宗社無疆之休也

蚤定宗社大計以絕窺覷

羅紀

臣昔舉宋司馬光輩雷亮之故事以濟天聽是後寂然
不聞示諭臣料後官諸祥將次彌月臣之私喜旦夕望之
及今踰年更無影響徒聞大盜竝興遍布天下連數十城
所過如洗運河兩岸焚劫殆空前日縛殺方面明日射死
將官近於楊村剽劫紫將王果夫楊村去京城幾何而根
空如此臣謂國本不定姦雄睥睨今何如哉前月二十三
日湖廣陽邏地面傳來流賊執殺都御史馬炳然臣初疑
似之間以爲御史九卿之貳也且非受命征勦之官不過
遇之而已而輒殺之則九卿之長遇之必殺也九卿之長

敢殺之則公侯駙馬伯遇之必殺也是尚知有朝廷威令
哉而朝廷左右尚爲有人乎而臣亦備員九卿之二亦在
賊必殺之中誓當不與此賊俱生然尚不信傳來之言忽
於近日接炳然之吏王廷昌云親歟炳然之屍妻因刀箭
傷死臣卽昏暈沉寢如同氣絕目今氣息奄奄死在旦夕
尚恐賊窮生計魚游釜中久燃未沸且帶忠類死之命百
般搜索或至擁如盆子者一二人馬馳騫中原誘聚不逞
百姓愚頑未明逆順諸將狐疑益見逗遛市機一變成敗
分焉自是一二大臣雖欲竊假包荒養寇之名以在托私
門桃李之黨如數十年前恐未可也而陛下尚欲與數

十近習爲講武之舉寧有暇哉臣敢於未死之前披瀝肝
膽再申前請伏望 陛下幹軋轉圜少伸瞻覽立召皇親
公侯駙馬伯府部院寺大臣翰林院科道多官考司馬光
范鎮韓琦文彥博呂誨包拯趙抃諸臣之議酌古準今藏
鋒歛鏑隨事據理假代九廟之勤渠兼託兩宮之奉侍體
祖宗之意而不懸定順昭穆之宜而無即直尊候倣效之
芳快覩前星之耀則臣卽誅死猶生之年臣不勝憤激屏
營之至

陳政今十失疏

李東陽

竊聞委質事君者人臣之常職託孤寄命者天下之重任

痛惟 孝宗皇帝大漸之時召臣等至乾清宮御榻前而
賜顧命諄諄數言時司禮監太監陳寬等當共聞之伏
自 陛下嗣位之初臣等輔導啓沃多見施行少伸報稱
近數月來往往旨從中出略不預聞有所議擬徑行改易
詔書不信政令失中姑以其重者言之商人譚景清等附
託皇親奏討殘鹽既不肯奉詔還官又不肯領回原價挾
制朝廷搖撼官府沮 陛下之英政累 母后之盛德論
其情罪死有餘辜且皇親之家既已辭還家人引目此商
人者已不相干而乃曲爲庇護寧使帑藏空虛邊餉匱乏
而不知顧此政令之失一也大同隨征所聞衝鋒破敵三

少當先二項按之舊制俱不該陞况紀功官原開不係對
陣侍郎等官勘得功無顯迹查無明證名字不對多寡不
一而乃查近年輟政徵陞數百冗員以官法爲人情視爵
祿如糞土此政令之失二也內府冗員奉旨裁節金書守
門及分守守備等官裁革者百無一二而南海子淨身人
又選八十餘人非惟傷財害民抑且敗壞風俗至於蟒龍
玉帶監官等類尤壞名器尤不可言此政令之失三也御
用監書篆錄人吏部奉旨考選乃令革退人役通送本監
考校似是不信銓衡之任而信寵倖之臣况該部查出
革退之人俱係實緣傳奉奉詔裁革繞不幾時遽聞此例

則匠官術士倣倣成風以邪路為當行視詔書為故紙此
政令之失四也他如 皇莊田土已令巡撫衙門查數又復
差官踏勘取者未回差者繼出帶領人役播擾地方京畿
小民何以堪之此政令之失五也駕帖出外筆人累經各
衙門論奏恐生詐偽近因皇親家人奏懇織民侵占田土
輒為給帖挾解來京鎮撫司打問情節俱與原奏不同未
免仍解本處官司問理帝遣員覈究若無伸此政令之失
六也韋興齊玄燕懿先朝謫宦府庫一則實緣分守累劾
不退一則奏請追究止令取回遷延至今未正典刑此政
令之失七也各營執事官軍及內府軍匠各倉軍士俱經

奏准查計國營及各衙門之留仍復照舊營伍之籍供
私門之用此政令之失八也內承運庫銀兩支銷累數百
萬內府支用不給印票該庫內官自請奪奪竟爾不行司
輪庫銅錢該部累奏支用屢轉推延至今未發此政令之
失九也饒州磁器奉詔蠲免二年又令起運來用此政令
之失十也似此之類未易悉舉臣等或傳聞坐視無可柰
何或封還執奏不能終止其為失職實所難辭追思先
帝臨終顧命之言仰念陛下委任舊人之意況主少國
疑四方多事豈忍繫身去位自求便安但前臣等所陳奉
有聖諭云朕便處治至今未有施行今所奉聖諭云

待其酌行是必言無可采乃使之照舊輔導亦不過仍前
失職而已乞特賜罷歸亟選非常之才俾任難為之事庶
可以上回天變下慰人心謹摘本內緊要數語若輩驕驕
馳輕出宮禁頻幸監乃泛舟海子鷹犬彈射不離左右內
侍進獻飲膳亦屑曲納伏望 皇上留神警省置之坐隅
朝夕顧諟以成 聖德臣不勝慙慙

遵祖訓以光 聖德疏

靳貴

臣聞禮莫重於視朝禁莫嚴於宮衛自古帝王之治天下
必謹視朝之節以觀示臣民嚴宮衛之防以消彌禍患我
朝 列聖尤致謹於斯伏覩 皇明祖訓所載有曰朕以

乾清宮爲正寢晚朝畢而入清晨星存而出除有疾外平
康之時不敢怠惰此所以畏天人而國家所由興蓋言視
朝之常謹也又曰凡帝王居安常懷警備日夜時刻不敢
怠慢雖親信如骨肉朝夕相見猶當警備蓋言宮衛之當
謹也此皆漢唐遠祖治保邦之言 聖子神孫所當誦
讀守爲家法者恭惟 皇上聰明天授政令之施動遵
祖訓近年以來朝會慶賀或至遲暮其初蓋因一時起居
違和而然積習既久遂以爲常傳之外朝將謂縱耳目之
玩極心志之樂親聽之聞不無惶惑去歲以來揀選人馬
親自校閱其事蓋因一時虜寇犯順而然意在禦侮實非

有他傳之天下皆謂邊兵非宿衛之人禁庭非操練之所
疑似之間未免驚駭臣等職居輔導出入禁闥雖隨事納
規時有陳請緣議論不足以發明事體誠意不足以孚契
聖心凡素行年愧悚無地伏望 皇上鑒 皇祖之訓曲
察臣等之愚思自今以後夙興視朝躬親祀事乘清明之
氣以裁決萬幾竭忠獻之誠以昭格 九廟仍選用方直
以爲侍從信任老成以爲腹心軍士操練必於演武之所
朝夕督勵付之將領之官推遠左右體悉勤勞務處以時
庶不有勞於 聖體關防既謹亦可盡釋於群疑將見
聖德日新天心悅豫神人胥慶和氣致祥 宗社萬萬年

無疆之休端在此矣

聖駕出外經宿疏

靳貴

日者竊聞 聖駕自西安門出外經宿而回不知臨幸何
所臣等初聞未敢遽信既而道路相傳衆口籍籍使臣等
心志憂惶神魂飛越展轉思惟莫知所處竊惟 天子出
入必備法駕必傳警蹕衛士環列百官扈從所以嚴至尊
之分而防意外之虞也且如南郊大祀不過一宿虎賁之
旅鷹揚之將周旋左右而直廬拱衛中軍萬餘警蹕之聲
夜以達旦至於皇城各門又令勦殿重臣守把 祖宗之
法至爲詳備今 聖駕之出不知環衛者何兵扈從者何

人居守者何官文武群臣茫不與聞若徒無故輕身而出
率意而往擾擾塵埃中萬一車馬警蹶之虞奸盜竊發之
變出於意料之所不及未知何以備之雖天神協相決無
是事而臣等私憂過計實切寒心夫千金之子尚不肯垂
堂而坐陛下一身乃宗廟社稷之主縱不爲身惜獨
不爲宗廟社稷計乎仰惟聖性高明天資英邁洞燭天
下之事幾已非一日必不輕易舉動竊恐左右群小貢諛
希寵之徒倡引事端惑聰聽陛下偶未深思而遽從
之上累聖德下駭人心凡此導引之人其罪殆不容誅
但事在秘密非臣等所製不敢妄有指議伏望陛下念

祖宗付託之重體臣民瞻戴之情自今以往端拱穆清以
保威重鄧宜勞逸以順天和嚴內外出入之防正堂陛等
卑之分戒非時之宴遊屏無益之嬉戲東持剛斷之德以
解臣民之疑 宗社幸甚天下幸甚臣等備員輔導平時
既不能調護 聖躬弼亮治理茲有所聞若復忌避不言
則欺君負國之罪死不足贖儻以爲所聞不的冒干 天
威明示黜罰不敢辭避臣等不勝忠愛懇懼思迫切之
至